

Izjava ambasadora Upravnog odbora Vijeća za provedbu mira

Na današnjem sastanku u Sarajevu, ambasadori zemalja članica Upravnog odbora Vijeća za provedbu mira (PIC) apelirali su na vlasti u Bosni i Hercegovini da ne preduzimaju nikakve jednostrane mjere po pitanju državne i vojne imovine. Jednostrane mjere bi samo ugrozile mogućnost za postizanje održivog dogovora o ova dva pitanja čime bi se dalje odložilo potpuno izvršavanje programa 5+2 i zatvaranje Ureda visokog predstavnika (OHR).

Vlasti u BiH nisu do sada uspjele da postignu prihvatljiv i održiv dogovor o ciljevima koji se tiču državne i vojne imovine. Ambasadori zemalja članica Upravnog odbora PIC-a su apelirali na nadležne vlasti da zaključe sporazum o raspodjeli državne imovine što je prije moguće.

Ciljevi koji su definirani u Deklaraciji Upravnog odbora PIC-a od 27. februara 2008. godine su:

- Prihvatljivo i održivo rješavanje pitanja raspodjele imovine između države i ostalih nivoa vlasti;
- Prihvatljivo i održivo rješavanje pitanja vojne imovine.

Pozdravljajući nedavni napredak koji je BiH postigla u pravcu rješavanja pitanja pokretne vojne imovine, Upravni odbor Vijeća za provedbu mira je apelirao na nadležne vlasti da zaključe sporazum o nepokretnoj vojnoj imovini, u skladu sa Zakonom o odbrani BiH, kojim bi država posjedovala imovinu potrebnu za buduće vojne svrhe.

Ambasadori zemalja članica Upravnog odbora Vijeća za provedbu mira su sa zabrinutošću konstatirali da vlasti Bosne i Hercegovine nisu postigle napredak u ispunjavanju ciljeva koji se tiču državne imovine.

Ambasadori zemalja članica Vijeća za provedbu mira su pozvali nadležne državne i entitetske vlasti da hitno završe potrebne samoprocjene imovine potrebne za propisno funkcioniranje određenih organa vlasti i time otvore put rješavanju problema.